



**«Pilver, pilver, jeu ditgel a vus: Sch'il sem salin
croda buc el tratsch e miera, resta el persuls,
mo sch'el miera, porta el reh fretg.» (Gn 12,24)**

Plaid pastoral per la tschunavla dumengia
da Cureisma 2024

Joseph Maria Bonnemain,
uestg da Cuera

Avis per ils texts liturgics :

**Lecziuns da la tschunavla dumengia da Cureisma,
onn B**

1. Lecziun: Jer 31,31-34

2. Lecziun: Heb 5,7-9

Evangelii: Gn 12,20-33

*Quei plaid pastoral sa vegnir prelegius ni miraus sco messadi da
video en tuts survetschs divins la tschunavla dumengia da
Cureisma, ils 17. da mars 2024.*

*Per mintga dumengia dil temps da Cureisma vegn tarmess tier ad
uras a mintga pleiv in plaid pastoral corrispundent cun il messadi
da video.*

*Ils messadis pastorals vegnan mintagmai gliendisdis suenter
mintga dumengia da Cureisma dai liber.*

Caras soras, cars frars

Las davosas quater jamnas vein nus ponderau co mantener la fidonza e la speronza: nus vein ponderau las raschuns da crer en Diu, el bien el carstgaun, el mund ed era en nus. Igl evangeli dalla tschunavla dumengia da Cureisma resumescha ei bein: «Pilver, pilver, jeu ditgel a vus: Sch'il sem salin croda buc el tratsch e miera, resta el persuls, mo sch'el miera, porta el reh fretg.»

Jesus, il Fegl da Diu, ha ord carezia infinita dau vi sia veta per nus carstgauns. Cheutras e per adina ei la carezia seunida cun la tiara, cun nus carstgauns, cul mund e sia historia. Il carstgaun e cun el tut il scaffiu san purtar fretgs da carezia. La historia dil mund sa daventar fritgeivla entras ovras da carezia. Nossa tiara ei impregnada dalla carezia universalala dil Segner levas da mort en veta.

Il profet Jeremia predì ina ligia nova e definitiva denter Diu e carstgaun; ina ligia che vegn marclada el pli intern da nos cors. Il sem nundestruibel dil bien, dil salit ei vegnius semnaus en mintga carstgaun, el mund ed ella historia. “Dil pli pign denter els tochen il pli grond” vegnan a saver enconuscher Diu.

Con fetg, caras soras, cars frars, astgein nus mirar plein speronza sin nies mund! Con fetg astgein nus crer el bien

el carstgaun! Con fetg astgein nus sperar en in svilup positiv dil mund! Con fetg astgein nus gia oz cumparter en carezia la refuorma sinodala dalla Baselgia!

Sulettamein il bien ei definitivs. Sulettamein il salit vegn a prender surmaun. Lein seregurdar dall'empermischun da Niessegner: "Cu jeu sun alzaus dalla tiara, vegn jeu a trer tuts tier mei".

Lein en quella tenuta cartenta sepreparar per la jamna dalla passiun e la jamna sontga. Aschia vegnin nus tuts ad esser perdetgas dalla levada da Cristus e formar ensemen cun el quei mund, dil qual Dieus siemia. A tuts in cordial engraziel per quella promptadad.

Unius ell'oraziun culs megliers auguris salidel jeu Vus cordialmein.

+ *Joseph Maria*

Joseph Maria Bonnemain,
uestg da Cuera